

**O'ZBEKISTON RESPUBLIKASIDA XOTIN-QIZLARNI TAZYIQ VA ZO'RAVONLIKDAN HIMOYA QILISHNING HUQUQIY ASOSLARI**

*Isroilov Davronbek Dilshodbek o'g'li*

*https://orcid.org/0009-0000-7076-0679*

*Andijon Davlat Pedagogika instituti o'qituvchisi*

***Raimberdiyeva Gulnora***

*Andijon Davlat Pedagogika instituti*

*Milliy g'oya manaviyat asoslari va huquq talimi yo'nalishi*

*1-bosqich talabasi*

*“Ayollar hayotdan rozi bo'lib yashashi uchun  
sidqidildan xizmat qilishga tayyormiz”*

**SHAVKAT MIRZIYOYEV**

**Annotsiya:** ushbu maqolada so'ngi yillarda mamlakatimizda xotin-qizlarga yaratilayotgan imkoniyatlar xotin-qizlarni tazyiq va zo'ravonlikdan himoya qilishning qonuniy asoslari va ularning huquq va erkinliklarini har tomonlama kafolatlanishi, tazyiq va zo'ravonlikning barcha shakllaridan himoya qilinishini taminlash davlatimiz oldida turgan ustuvor vazifalardan biri ekanligi ko'rsatib o'tilgan.

**Annotation:** in this article, the opportunities created for women in our country in recent years are the legal basis for protecting women from harassment and violence, as well as the comprehensive guarantee of their rights and freedoms, and ensuring protection from all forms of harassment and violence is one of the priorities of our state. is shown to be one.

**Аннотация:** В данной статье освещаются вопросы обеспечения прав и свобод женщин со стороны закона, защиты от всех форм притеснений и насилия, акцента нашего государства на женщинах и принятия закона О защите их от притеснений и насилия.

**Kalit so'zlar :** konstitutsiya, inson huquq va erkinliklari, ayollar huquqlari, gender tengligi, ayollarning teng huquqlilik prinsipi, qonun hujjatlari, ijtimoiy huquqlar, oila kodeksi, mehnat kodeksi.

## **KIRISH**

Ayollar kelajak tarbiyachilaridir shuning uchun ham ularga alohida etibor har davrning eng dolzarb masalalaridan biri hisoblanadi. Davlatimiz tomonidan bugungi kunda ayollarga qaratilayotgan etibor, ularga nisbatan qilinayotgan tazyiq va zo'ravonlikga keskin munosabatda bo'linayotgani etirofga sazovordir. Xotin-qizlarni huquqlari milliy qonunchiligimizda yuksak darajada etirof etib o'tilgan hamda ularni tazyiq va zo'ravonlikdan himoya qilishning huquqiy asoslari yetarli darajada mavjuddir.

Bunga yaqqol misol sifatida bosh qomusimiz bo'lmish konstitutsiyamizning 2023-yil 30-aprelda qabul qilingan yangi tahrirdagi qonun loyihasining O'zbekiston respublikasida barcha fuqarolar birxil huquq va erkinliklarga ega ekanligi, jinsi, irqi, millati, dini, etiqodi, ijtimoy kelibchiqishi, ijtimoiy mavqeidan qattinazar qonun oldida tengligi belgilanganligi yoki 58- moddasiga muvofiq xotin-qizlar va erkaklar teng huquqli ekanligi, davlat xotin-qizlar va erkaklarga jamiyat va davlat ishlarini boshqarishda hamda jamiyat va davlat hayoting boshqa sohalarida teng imkoniyatni taminlashi belgilab qo'yilgani<sup>1</sup> yoki aynan xotin-qizlarni tazyiq va zo'ravonlikdan himoya qilishga doir<sup>2</sup> qonun loihasi qabul qilgani va buni amalga oshirish uchun turli dasturlar ishlab chiqayotgani ko'rishimiz mumkin.

### ADABIYOTLAR TAXLILI VA METODOLOGIYASI

Mamlakatimizda xotin-qizlarni tazyiq va zo'ravonlikdan himoya qilishning huquqiy asoslari haqida gap ketganda birinchi navbatda bosh qomusimiz bo'lmish konstitutsiyani etirof etib o'tish darkor. 2023-yil 30-aprelda xalq muhokamasi asosida yangi taxrirdagi konstitutsion qonun loihasi maqullandi.

Yangi taxrirdagi konstitutsiyaning 26- moddasiga muvofiq inson shani va qadr-qimmati daxilsizdir. Hech narsa ularning kamsitilishi uchun asos bo'lishi mumkin emas ekanligi hechkim qiynoqqa solinishi, zo'ravonlikka, boshqa shavqatsiz, g'ayri insoniy yoki inson qadr-qimmatini kamsituvchi muomalaga yohud jazoga duchor etilishi mumkin emasligi hamda hechkimda uning roziligisiz tibbiy va ilmiy tajribalar o'tkazilishi mumkin emasligi milliy qonunchiligimizda belgilanganligi nafaqat xotin-qizlarga balki har bir insonga tazyiq va zoravonlikning taqiqlanganligidan dalolatdir.

Maskur konstitutsiyaning 42-moddasi uchinchi qismiga muvofiq homiladorligi yoki bolasi borligi sababli ayollarni ishga qabul qilishni rad etilishi, ishdan bo'shatilishi va ularning ish haqqini kamaytirishni taqiqlanganligi<sup>3</sup> mamlakatimizda xotin-qizlar huquq va manfaatlarini himoya qilishga qaratilgan yana bir etibordir.

Xotin-qizlarni tazyiq va zo'ravonlikning barcha shakllaridan himoya qilish sohasidagi munosabatlarni tartibga solish maqsadida 2019-yil 2-sentyabrda O'zbekiston respublikasining "Xotin-qizlarni tazyiq va zo'ravonlikdan himoya qilish to'g'risida"<sup>4</sup>gi qonuni qabul qilingan bo'lib unga muvofiq zo'ravonlik deganda xotin-qizlarga nisbatan jismoniy, ruhiy, jinsiy yoki iqtisodiy ta'sir o'tkazish yoki bunday ta'sir o'tkazish choralarini qo'llash bilan tahdid qilish orqali ularning hayoti, sog'lig'i, jinsiy daxlsizligi, sha'ni, qadr-qimmati va qonun bilan himoya qilinadigan boshqa huquqlari hamda erkinliklariga tajovuz qiladigan g'ayrihuquqiy harakat yoki harakatsizlik deb tarif berilgan shuningdek har bir zo'ravonlik turiga alohida tarif berilib unga ko'ra **jinsiy**

<sup>1</sup> <https://lex.uz/ru/docs/-6405731>

<sup>2</sup> Toshkent sh., 2019-yil 2-sentabr, O'RQ-561-son

<sup>3</sup> Ўзбекистон Республикасининг Конституцияси 26-42moddalar

<sup>4</sup> <https://lex.uz/docs/-4494709>

**zo‘ravonlik** deganda xotin-qizlarga nisbatan ularning roziligisiz shahvoniy xususiyatga ega harakatlarni sodir etish orqali jinsiy daxlsizlikka va jinsiy erkinlikka tajovuz qiladigan zo‘ravonlik shakli, shuningdek zo‘rlik ishlatish yoki zo‘rlik ishlatish bilan tahdid qilish yoxud ayol jinsidagi voyaga yetmagan shaxslarga nisbatan axloqsiz harakatlar sodir etish orqali uchinchi shaxs bilan jinsiy aloqa qilishga majburlash tushuniladi. **Jismoniy zo‘ravonlik** deganda esa xotin-qizlarga nisbatan og‘irligi turli darajada bo‘lgan tan jarohatlari yetkazish, xavf ostida qoldirish, hayoti xavf ostida qolgan shaxsga yordam ko‘rsatmaslik, zo‘ravonlik xususiyatiga ega boshqa huquqbuzarliklar sodir etish, jismoniy ta‘sir o‘tkazish yoki bunday ta‘sir o‘tkazishning o‘zga choralarini qo‘llash bilan tahdid qilish orqali xotin-qizlarning hayoti, sog‘lig‘i, erkinligi hamda qonun bilan himoya qilinadigan boshqa huquqlari va erkinliklariga tajovuz qiladigan zo‘ravonlik shakli tushuniladi, **ruhiy zo‘ravonlik** esa xotin-qizlarni haqoratlash, ularga tuhmat qilish, tahdid qilish, ularning sha‘nini, qadr-qimmatini kamsitish, shuningdek ularning xohish-irodasini cheklashga qaratilgan boshqa harakatlarda ifodalanadigan zo‘ravonlik shakli, shu jumladan reproduktiv sohada nazorat qilish, tazyiq va zo‘ravonlikdan jabrlanuvchida o‘z xavfsizligi uchun xavotir uyg‘otgan, o‘zini himoya qila olmaslikka olib kelgan yoki ruhiy sog‘lig‘iga zarar yetkazgan harakat yoki harakatsizlikni tushunish mumkin. Shuningdek ushbu qonunda zo‘ravonlikning shunday shakliham etirof etilganki bu iqtisodiy zo‘ravonlikdir. **Iqtisodiy zo‘ravonlik** deganda xotin-qizlarga nisbatan turmushda, ish joylarida va boshqa joylarda amalga oshirilgan zo‘ravonlik shakli, xotin-qizlarning normal yashash va kamol topish uchun oziq-ovqat, uy-joy hamda boshqa zarur shart-sharoitlar bilan ta‘minlanishga bo‘lgan huquqini, mulk huquqini, ta‘lim olish hamda mehnatga oid huquqini amalga oshirishni cheklashga olib keladigan harakat yoki harakatsizlikni<sup>5</sup> tushunishimiz mumkin bo‘ladi.

Ushbu qonunga muvofiq yurtimizda olib borilayotgan xotin-qizlarni tazyiq va zo‘ravonlikdan himoya qilishga doir davlat siyosatining yo‘nalishlari sifatida xotin-qizlarni tazyiq va zo‘ravonlikdan himoya qilish sohasidagi gender siyosatini, davlat dasturlarini hamda strategiyalarni ishlab chiqish va amalga oshirish, jamiyatda xotin-qizlarga nisbatan tazyiq va zo‘ravonlikka doir murossasizlik muhitini yaratish, xotin-qizlarning huquqlari, erkinliklari hamda qonuniy manfaatlari tazyiq va zo‘ravonlikdan himoya qilinishini ta‘minlash, xotin-qizlarga nisbatan tazyiq va zo‘ravonlikning oldini olish, ularni aniqlash, ularga chek qo‘yish uchun samarali tashkiliy-huquqiy mexanizmlarni yaratish, xotin-qizlarga nisbatan tazyiq va zo‘ravonlik sodir etilishiga olib keladigan sabablar hamda shart-sharoitlarni bartaraf etish choralarini ko‘rish, tazyiq va zo‘ravonlikning oldini olish maqsadida davlat organlari, fuqarolarning o‘zini o‘zi

---

<sup>5</sup> O‘ZBEKISTON RESPUBLIKASINING QONUNI.XOTIN-QIZLARNI TAZYIQ VA ZO‘RAVONLIKDAN HIMOYA QILISH TO‘G‘RISIDA Qonunchilik palatasi tomonidan 2019-yil 17-avgustda qabul qilingan Senat tomonidan 2019-yil 23-avgustda ma‘qullangan

boshqarish organlari, nodavlat notijorat tashkilotlari va fuqarolik jamiyatining boshqa institutlari hamkorligini ta'minlash kabilar belgilangan. Shuningdek mazkur qonunda xotin-qizlarni tayziq va zo'ravonlikdan himoya qilishga doir davlat organlarining vakolotlari belgilangan bo'lib ushbu vakolotli davlat organlariga O'zbekiston respublikasi Vazirlar mahkamasi, mahalliy davlat hokimiyati organlari, ichki ishlar organlari, mehnat organlari, ta'limni davlat tomonidan boshqarish organlari, sog'liqni saqlash tizimini boshqarish organlari, Kambag'allikni qisqartirish va bandlik vazirligi huzuridagi Oila va xotin-qizlar qo'mitasi, Fuqarolarning o'zini o'zi boshqarish organlari, nodavlat notijorat tashkilotlari va fuqarolik jamiyatining boshqa institutlari shular jumlasidandir.

### **MUHOKAMA VA NATIJALAR**

Qonun hujjatlarida xotin-qizlarni tayziq va zo'ravonlikdan himoya qilish milliy qonunchiligimizda aks etganligi, sohaga oid alohida qonun loihasi qabul qilinib unda davlat organlarini xotin-qizlarni tayziq va zo'ravonlikdan himoya qilishga oid vakolotlari belgilanganligi xotin qizlarga nisbatan tayziq va zo'ravonlikni kamaytrishga xotin qizlarni huquq va manfaatlarini ta'minlashga qaratilgan yuksak etibor namunasidir.

Hususan xotin-qizlarni tayziq va zo'ravonlikdan ximoya qiluvhi vakolotli davlat organi bu O'zbekiston respublikasi vazirlar mahkamasi hisoblanib sohaga oid xotin-qizlarni tazyiq va zo'ravonlikdan himoya qilish sohasidagi yagona davlat siyosati amalga oshirilishini ta'minlash, xotin-qizlarni tazyiq va zo'ravonlikdan himoya qilish sohasidagi davlat dasturlarini va strategiyalarni tasdiqlash, tazyiq va zo'ravonlikdan jabrlanuvchilarni qo'llab-quvvatlash, ularning xavfsizligini, jismoniy va ruhiy rehabilitatsiyasini hamda moslashuvini ta'minlash bo'yicha tuzilmalarni tashkil etish, xotin-qizlarni tazyiq va zo'ravonlikdan himoya qilishni amalga oshiruvchi vakolatli organlarning hamkorligini muvofiqlashtirish, kabi vakolotlarga ega.

Mahalliy davlat hokimiyati organlarining sohaqa oid vakolotlari otin-qizlarni tazyiq va zo'ravonlikdan himoya qilish sohasidagi davlat dasturlarini hamda strategiyalarni ishlab chiqish va amalga oshirishda ishtirok etish, xotin-qizlarni tazyiq va zo'ravonlikdan himoya qilish sohasidagi hududiy dasturlarni ishlab chiqadi, tasdiqlaydi hamda amalga oshirish, xotin-qizlarni tazyiq va zo'ravonlikdan himoya qilish sohasida davlat organlari, fuqarolarning o'zini o'zi boshqarish organlari, nodavlat notijorat tashkilotlari hamda fuqarolik jamiyatining boshqa institutlari bilan hamkorlik qilish, hamda xotin-qizlarni huquqiy va ijtimoiy-iqtisodiy himoya qilish kafolatlarini ta'minlash bo'yicha chora-tadbirlarni amalga oshirishdan iborat ekanligi belqilangan.

Xotin -qizlarni tayziq va zo'ravonlikdan himoya qilishda vakolotli davlat organlaridan biri bu ichki ishlar organlaridir. Ichki ishlar organlari bu sohada xotin-qizlarni tazyiq va zo'ravonlikdan himoya qilish sohasidagi davlat dasturlarini, hududiy dasturlarni hamda qonunchilik hujjatlarini ishlab chiqish va amalga oshirishda ishtirok etish, tazyiq va zo'ravonlikning oldini olish, shu jumladan ularning sabablarini hamda shart-sharoitlarini aniqlash va bartaraf etish choralarini ko'radi, xotin-qizlarga tazyiq

o'tkazayotgan va ularga nisbatan zo'rvonlik sodir etgan shaxslar bilan muntazam asosda profilaktika ishlarini olib borish, xotin-qizlarga nisbatan tazyiq va zo'rvonlik sodir etilganligi yoki sodir etilishi tahdidi mavjudligi to'g'risidagi murojaatlarni ko'rib chiqish, tazyiq yoki zo'rvonlik sodir etishga moyil bo'lgan shaxsga rasmiy ogohlantirish berish, himoya orderini berish, zo'rvonlik sodir etgan shaxslarni javobgarlikka tortish yuzasidan o'z vakolatlari doirasida choralar ko'rish, xotin-qizlarni tazyiq va zo'rvonlikdan himoya qilishni amalga oshiruvchi tegishli vakolatli organlar hamda tashkilotlar bilan hamkorlik qilish kabi vakolotlarga ega.

Himoya orderi bu tazyiq va zo'rvonlikdan jabrlangan shaxsga beriladi. Tazyiq o'tkazgan yoki zo'rvonlik sodir etgan yoxud ularni sodir etishga moyil bo'lgan shaxsga himoya orderining nusxasi beriladi. Shuningdek himoya orderini bergan ichki ishlar organining mansabdor shaxsi tazyiq o'tkazgan va zo'rvonlik sodir etgan shaxsni himoya orderining shartlari hamda uni bajarmaslik oqibatlari va zo'rvonlik xulq-atvorini o'zgartirish bo'yicha tuzatish dasturlaridan o'tish zarurligi to'g'risida xabardor qiladi hamda shaxs himoya orderini olish to'g'risidagi tegishli hujjatni imzolashni rad etgan taqdirda, himoya orderini topshirayotgan ichki ishlar organining mansabdor shaxsi tomonidan xolislar ishtirokida dalolatnoma tuziladi. Tegishli hududda tazyiq va zo'rvonlikning yakka tartibdagi profilaktikasini amalga oshirish uchun mas'ul bo'lgan ichki ishlar organining mansabdor shaxsi tazyiq va zo'rvonlik fakti yoki ularni sodir etish xavfi aniqlangan paytdan e'tiboran 24 soat ichida himoya orderini o'ttiz kun muddatgacha beradi va ushbu order rasmiylashtirilgan paytdan e'tiboran kuchga kiradi. Agar tazyiq va zo'rvonlikdan jabrlanuvchi hamda tazyiq o'tkazgan yoki zo'rvonlik sodir etgan yoxud ularni sodir etishga moyil bo'lgan shaxs bir joyda ishlasa yoki o'qisa, tegishli hududda tazyiq va zo'rvonlikning yakka tartibdagi profilaktikasini amalga oshiruvchi ichki ishlar organining mansabdor shaxsi tomonidan jabrlanuvchiga himoya orderi berilganidan keyin bir ish kuni ichida tazyiq va zo'rvonlikdan jabrlanuvchining ish yoki o'qish joyiga, agar tazyiq o'tkazgan yoki zo'rvonlik sodir etgan yoxud ularni sodir etishga moyil bo'lgan shaxs tashkilot rahbari bo'lsa, yuqori turuvchi organga, jabrlanuvchi va tazyiq o'tkazgan yoki zo'rvonlik sodir etgan yoxud ularni sodir etishga moyil bo'lgan shaxs o'rtasidagi bevosita aloqani taqiqlash to'g'risida taqdimnoma yuboriladi.

Tazyiq va zo'rvonlikdan jabrlanuvchi ishlayotgan yoki ta'lim olayotgan tashkilot rahbari taqdimnomani olganidan keyin, uch ish kuni ichida jabrlanuvchi hamda tazyiq o'tkazgan yoki zo'rvonlik sodir etgan yoxud ularni sodir etishga moyil bo'lgan shaxs o'rtasidagi bevosita aloqani bartaraf etishga qaratilgan harakatlarni amalga oshiradi. Agar xavf hali bartaraf etilmagan bo'lsa, himoya orderining amal qilish muddati tazyiq va zo'rvonlikdan jabrlanuvchining arizasiga ko'ra ko'pi bilan bir yilgacha muddatga jinoyat ishlari bo'yicha sud tomonidan uzaytirilishi mumkin<sup>6</sup> ekanligi belgilab qo'yilgan

<sup>6</sup> <https://lex.uz/docs/-4494709>



### Xulosa

Xulosa o'rnida shuni aytish mumkinki ayol zoti nozik hilqat sifatida hamisha etiborva etirofga loyiq zotdir. Xotin qizlar huquqlarini taminlash ularga nisbatan tazyiq va zo'rvonlikni oldini olish har bir davrning jumladan bugungi kunningham eng dolzarb va ustuvor vazifalaridan biridir. Xotin-qizlarga nisbatan tazyiq va zo'rvonlik holatlarining oldini olish chora-tadbirlari sifatida xotin-qizlarga nisbatan tazyiq va zo'rvonlikning oldini olish sohasidagi davlat dasturlarini, hududiy va boshqa dasturlarni ishlab chiqish hamda amalga oshirish, aholi o'rtasida huquqiy targ'ibot olib borish, xotin-qizlarga nisbatan tazyiq va zo'rvonlik hollarining statistik hisobi va hisobotini yuritish hamda ularni davlat statistika organlariga taqdim etish, fuqarolarni, ayniqsa xotin-qizlarni o'z huquqlari, erkinliklari va majburiyatlari to'g'risidagi, shuningdek himoya qilish kafolatlari haqidagi axborot bilan ta'minlash maqsadida axborot-ma'rifiy faoliyatni amalga oshirish, xotin-qizlarga nisbatan tazyiq va zo'rvonlik holatlarini aniqlashning samarali huquqiy mexanizmlarini joriy etish, tazyiq va zo'rvonlik sodir etish xavfi bo'lgan guruhlarga mansub shaxslarga yoki ularni sodir etgan shaxslarga nisbatan oldini olish choralarini amalga oshirish, xotin-qizlarga nisbatan tazyiq va zo'rvonlik sodir etgan yoki sodir etishga moyil bo'lgan shaxslarga nisbatan ta'sir ko'rsatish choralarini qo'llash, aybdorlarni qonunda belgilangan javobgarlikka tortish muhim omillardan biridir.

### Foydalanilgan Adabiyotlar va manbalar:

1. O'zbekiston respublikasining konstitutsiyasi.

O'zbekiston Respublikasining "Xotin qizlarni tazyiq va zo'rvonlikdan himoya qilish to'g'risida"gi qonuni, 02.09.2019 yildagi O'RQ-561-son

2.Ozbekiston respublikasi Prezidentining "Jamiyatda huquqiy ong va huquqiy madaniyatni yuksaltirish tizimini tubdan takomillashtirish to'g'risida"gi 2019-yil 9-yanvardagi 5816-sonli farmoni.

3. O'zbekiston Respublikasi Vazirlar Mahkamasining 2018-yil 8- dekabrda "Xalq ta'limi tizimida ta'lim sifatini baholash sohasidagi xalqaro tadqiqotlarni tashkil etish chora tadbirlari to'g'risida"gi 997-son qarori.

4. O'zbekiston Respublikasi Prezidentining "O'zbekiston Respublikasi xalq ta'limi tizimini 2030-yilgacha rivojlantirish konsepsiyasini tasdiqlash to'g'risida"gi 2019-yil 29- apreldagi 5712-son farmoni.

5. Muxammedov O.X Huquqshunoslik asoslari Toshkent 2020-yil

6. A.Saidov, U Tadjixanov, X Odilqoriyev. Davlat va Huquq asoslari Toshkent 2002-yil.

### Internet ma'lumotlari:

1. Lexs.uz.

2. Arxiv.uz

3. Ziyonet.uz.

4. <https://lex.uz/docs/-20596>